



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XIII. Qualis sit facta Christo Attributorum Communicatio?

urn:nbn:de:hbz:466:1-11726

Paulum gentiles ad Sibyllarum leſitationem admonuiſſe. SS. Patres verò, *Iuſtinus, Auguſt. &c.* citant eas percrebrò. Et *Erythraa* canit in Vaticano, cuius initiales literæ reddunt has voces, *IESVS* *Chriſtus Dei Filius: Saluator, Crux.* quod iſtis concluditur:

Vnus & æternus Deus; hic Seruator, & Idem
CHRISTVS; pro nobis paſſus: *Quem carmina*
ſignant.

III. VISIONVM & MIRACVLO-
RVM diuina teſtimonia ſuper Æqualitate Conſubſtantiali, ſeu *ὁμοουſία* recitat per illuſtria Illuſtriſſ. Card. *Bellarmin.* lib. 1. de *Chriſto* cap. 12. Quibus in præſens ſuperſedebit ſtudium breuitatis.

IV. D. THOMAS p. 1. q. 42 a. 1. Neceſſe eſt ponere Æqualitatem in Perſonis. *Quia, lib. 9. Metaph. textu 15. 16. 17.* æquale dicitur quaſi per negationem maioris & minoris; non autem poſſumus in Diuinis ponere maius & minus. *Quia, ait Boëtius lib. de Trin. Eos differentia, ſcilicet Deitatis, comitatur, qui vel augent, vel minuunt: ut Arius: qui gradibus numerorum, Trinitatem variantes diſtrahunt, atq; in pluralitatem deducunt.*

Ratio eſt: *Quia Inæqualium non poteſt eſſe vna Quantitas numero: Quãtitas autem in Diuinis non eſt aliud, quã* **Effentia:** Vnde ſi eſſet inæqualitas in Perſonis diuinis, non eſſet in eis **Vna Effentia:** & ſic eſſent tres Perſonæ **Vnus Deus;** quod eſt impoſſibile. Oportet igitur Æqualitatem ponere in Diuinis.

Vnde *S. Auguſt. lib. de fide. c. 1. to. 3. Æqualitas intelligitur in Patre, Filio, & Spiritu S. in quantum nullus horum aut præcedit æternitate, aut excedit magnitudine, aut ſuperat poteſtate. &c. Plura in mea Genealogia queſt. 5.*

QVÆSTIO XIII.

Qualia ſit facta Chriſto Atributorum DEI Communicatio?

LUTHERVS in Conc. de Nat. Dom. **Duo CHRISTI** ſunt: *Vnus Chriſtus eſt DEVS Omnipotens: Alter Chriſtus eſt Homo non Omnipotens.* Quocirca, duos habet filios *Deus* *Luthero.* 1. *Brentius, pag. 115.* Recognitionis ſuæ, patri ſuo *Luthero* adſilit audacter; *Diſcrimen, inquit, inter Chriſtum & alios homines non propriè Inhabitatione Filij Dei in Filio hominis; ſed Communicatione Proprietatum, quibus Filius hominis ab inhabitante Filio Dei ornatur.*

CALVINVS lib. contra Gentilem pag. 917. *Si Effentiam Pater Communicauit, cum Filio, vel ex ſolido communicauit, vel ex parte: Si ex parte; dimidius Deus eſt: Si ex ſolido, in ipſo Patre Euauit.* *Rurfus ibid. Si Patris Effentia eſt in Filio; erit etiam in eo Perſona Patris.*

AVTOR *Euax;* quàm argutæ conſequentiæ? *Eas nec Carneades helleboro purgatus refellat; nedum prænſus. Vide, & Ride Camelum ſalsansem.*

Atar: 1. *Acclamat ei anonymus Caluiniſta quidam apud feuardentium in Dialogo: Incommunicabilis eſt effentia diuina.* 2. *Aduolant Caluino ſuo ſuffragatores Samofateni noui, Blandrara Diſput. 6. Albana, Tranſyluani Miniſtri lib. 2. Cap. 7. Et hæteſiarcha eorum Neſtorius, apud Theodoretum lib. 4. hæteſi fabul. Quorum iſta aſſertio pauxillò mitior: Chriſto homini communicatam à Deo Diuinitatem eſſe; non per generationem æternam, ſed per Vnctionem gratiæ & Inhabitationem: Ac proinde, Poſſe Chriſtum dici Deum; ſed Deum Factum, Temporalem, Non æternum.*

Adde his *Bezam. Caſtallio* probauerat ex d. cto prophetiæ, *Egone parere faciam, & non propriam? Omnes homines eſſe creaturis Dei.* *Quid Beza? Lib. contra Caſtallionem: Diſco, ait, è contrario: Deum, ex quo Adamus peccauit, deſiſſe Patrem eſſe in Adamo generis humani. Vide Schlüſſelburgium, lib. 1. Theol. Scholaſtica fol. 3.*

AUTOR. Qui igitur esse Pater Christi negatur; ut qui suam ei communicare essentiam nequierit; is jam etiam negatur esse non Pater.

Calvinus Inst. l. 1. c. 13. §. vlt. *Scilicet fingitur in Patre continuus actus generandi.* Sed plura de communicatione Attributorum *infra* *quest. 24. 25.*

AUTOR. I. Nimirum liberalior Caluino videri voluit Lutherus; hinc enim duos; ille nec vnum quidem DEO Filium sat concedit. An, quia, *Dum vitant stulti; vitia in contraria currunt?*

2. Certe ad Brentij verba exclamat Beza in respon. ad Colloq. Mompelgart *Ecce tibi Duos ex Nestorio FILIOS!* scil. v. nus Deus inhabitans Christum hominem; alter, Homo inhabitatus.

3. Caluino autem nec Christi Pater fuit vnquam Deus *vel ex solido, vel ex parte:* sed duntaxat *Proprietate quadam sunt distincti.* Vidè supra *quest. 7.* Idè Nestoriani in hoc sunt Luthero-caluiniani: contra istud Symboli Athanasiani, *Genitus, non factus, consubstantialis Patri, per quem omnia facta sunt:* Non igitur factus est; sed genitus, ab æterno ex Patre; in tempore ex Matre *θεοτοκος*, non solum *χριστογενη.* Sed distinctius singula, & strictim.

4. Cùm Diuo Thomæ 1. *quest. 27. a. 2.* Processio Verbi in Diuinis dicatur Generatio, juxta Psal. 2. *Ego hodie genui te, Filius meus es tu.* Cùm etiam Christus testetur, Ioan. 7. *Ego ex Deo processi:* distinguenda est processio illa siue generatio, ex *D. Th. 1. quest. 27. a. 1.* Arius accepit processionem sicut effectus procedit à causa; & sic Filium ait procedere à Patre generatum, sicut primam eius creaturam. Et ita Filius non est verus

Deus. Sabellius accepit eam, sicut causa procedit in effectum, quatenus aut mouet ipsum, aut suam ipsi imprimi similitudinem. Et sic Christum dixit, Filium Dei quatenus è Virgine Carnem assumpsit.

Errant autem ambo: Quia acceperunt processionem *ad Extra* solū, quatenus procedit secundum actionem in materiam exteriorem: At processio- nem *ad Intra*, quæ manet in ipso agente, oportuit eos attendisse; quale est *Intelligere Dei:* quod est Concipere mente aliquid, & ex eius notitia procedere; diciturque *Verbum mensis:* quod in æterno Deo fuit ab æterno: Et hæc fuit generatio Filij.

Est itaque, ait August. l. 4. de Trin. c. 10. *Pater Principium totius Deitatis:* Sed & Ioann. 1. *In principio erat Verbum, & Verbum erat apud.* &c. Et tamen *Pla. 2. Ipse inuocabit me,* quæ homo; *Pater meus es tu,* scilicet ab æterno prius; dein & in tempore *Plura D. Thom. 1. q. 33.*

Neque tamen infitias eo, priuatis istis quorundam opinionibus impiis omissis, communem hodie Luthero-caluinistarum sententiam concedere in nostram Orthodoxam. Sicut & in sequentibus variant.

QVÆSTIO XIV.

An Deus sit Omnipotens?

LUTHERVS in conc. de Nat. Dom. *Duo Christi sunt: Vnus Christus, Deus Omnipotens; alter Christus Homo non Omnipotens.* Idem tom. 2. Wittenb. fol. 183. & in Colloq. mensalibus, fol. 97. 98. 99. *Non credo Omnipotentem Diuinitatem esse Immortalem.* Vide in mea Genealogia *quest. 9.*

II CALVINVS Inst. l. 4. c. 17. §. 3. clarè subinnuit istud: *Deus nil potest efficere aut supra, aut contra ordinem à se in Natura constitutum.*

2. Idem